

Na osnovu člana 23. tačka 2., člana 55. tačka 2. i člana 104. Statuta općine Ilijaš-prečišćeni tekst ("Službene novine Kantona Sarajevo", broj: 20/09), člana 99. Poslovnika Općinskog vijeća ("Službene novine Kantona Sarajevo", broj: 2/10 i 18/15), a u vezi sa članom 3. Odluke o stipendiranju i nagrađivanju izuzetno nadarenih učenika i studenata ("Službene novine Kantona Sarajevo", broj:13/10), Općinsko vijeće Ilijaš, na svojoj 34. sjednici, održanoj dana 29.10.2015. godine donijelo je:

ODLUKU

o izmjenama i dopunama
Pravilnika o stipendiranju i nagrađivanju izuzetno nadarenih
učenika i studenata

Član 1.

U Pravilniku o stipendiranju i nagrađivanju izuzetno nadarenih učenika i studenata, ("Službene novine Kantona Sarajevo", broj:18/10, 10/13 i 40/15), u članu 2. stav jedan iza riječi "Prosječna ocjena od najmanje 7,50 za studente fakulteta iz grupacije" dodaju se riječi "medicinskih nauka (Fakultet zdravstvenih nauka; Farmaceutski fakultet; Medicinski fakultet; Stomatološki fakultet; Veterinarski fakultet), grupacije tehničkih nauka (Arhitektonski fakultet; Elektrotehnički fakultet; Fakultet za saobraćaj i komunikacije; Građevinski fakultet; Mašinski fakultet), grupacije biotehničkih nauka (Poljoprivredno-prehrambeni fakultet; Šumarski fakultet) i grupacije..."

Član 2.

U članu 14. tačka 1. Bodovi po osnovu rezultata u učenju, alineja 4. i alineja 5. se mijenjaju i iste glase:

- "Za izuzetno nadarene studente viših godina fakulteta iz grupacije medicinskih nauka (Fakultet zdravstvenih nauka; Farmaceutski fakultet; Medicinski fakultet; Stomatološki fakultet; Veterinarski fakultet), grupacije tehničkih nauka (Arhitektonski fakultet; Elektrotehnički fakultet; Fakultet za saobraćaj i komunikacije; Građevinski fakultet; Mašinski fakultet), grupacije biotehničkih nauka (Poljoprivredno-prehrambeni fakultet; Šumarski fakultet) i grupacije prirodno-matematičkih nauka (Prirodno-matematički fakultet-odsjeci za matematiku, fiziku, biologiju, hemiju, geografiju), prosječna ocjena u predhodnoj godini studija zaokružena na jednu decimalu i pomnožena sa 10,5

pr. ocjena x 10,5 bodova

- Za izuzetno nadarene studente viših godina fakulteta iz grupacije društvenih nauka (Ekonomski fakultet; Fakultet za kriminalistiku, kriminologiju i sigurnosne studije; Fakultet političkih nauka; Pravni fakultet; Fakultet za javnu upravu), grupacije humanističkih nauka (Fakultet sporta i tjelesnog odgoja; Filozofski fakultet; Pedagoški fakultet; Fakultet islamskih nauka; Katolički bogoslovni fakultet), grupacije umjetnosti (Akademija likovnih umjetnosti; Akademija scenskih umjetnosti; Muzička akademija), prosječna ocjena u predhodnoj godini studija zaokružena na jednu decimalu i pomnožena sa 10

pr. ocjena x 10 bodova"

Dodaje se nova alineja 6. koja glasi:

- "Za studente viših godina fakulteta Univerziteta u Sarajevu iz grupacije medicinskih nauka (Fakultet zdravstvenih nauka; Farmaceutski fakultet; Medicinski fakultet; Stomatološki fakultet; Veterinarski fakultet), grupacije tehničkih nauka (Arhitektonski fakultet; Elektrotehnički fakultet; Fakultet za saobraćaj i komunikacije; Građevinski fakultet; Mašinski fakultet) i grupacije biotehničkih nauka (Poljoprivredno-prehrambeni fakultet; Šumarski fakultet), prosječna ocjena u predhodnoj godini

Član 3.

Član 20. mijenja se i glasi:

"Zahtjev za dodjelu sredstava za odbrane magistarskog rada ili doktorske disertacije i sticanje naučnih i stručnih zvanja iz člana 18. ovog Pravilnika mogu podnijeti nezaposleni kandidati koji se nalaze na evidenciji Službe za zapošljavanje-Biro Ilijaš, a koji su VII stepen stručne spreme (VSS) stekli po predbolonjskom sistemu školovanja i kandidati koji stepen drugog i trećeg univerzitetskog ciklusa pohađaju redovno ili vanredno, izvan kontinuiteta. Svi kandidati moraju zadovoljiti uslove prosjeka ocjena iz tekuće akademske godine i to: najmanje 8,0 na fakultetima iz grupacije društvenih nauka (Ekonomski fakultet; Fakultet za kriminalistiku, kriminologiju i sigurnosne studije; Fakultet političkih nauka; Pravni fakultet; Fakultet za javnu upravu), grupacije humanističkih nauka (Fakultet sporta i tjelesnog odgoja; Filozofski fakultet; Pedagoški fakultet; Fakultet islamskih nauka; Katolički bogoslovni fakultet), grupacije umjetnosti (Akademija likovnih umjetnosti; Akademija scenskih umjetnosti; Muzička akademija). Prosjek ocjena od najmanje 7,50 na fakultetima iz grupacije medicinskih nauka (Fakultet zdravstvenih nauka; Farmaceutski fakultet; Medicinski fakultet; Stomatološki fakultet; Veterinarski fakultet), grupacije tehničkih nauka (Arhitektonski fakultet; Elektrotehnički fakultet; Fakultet za saobraćaj i komunikacije; Građevinski fakultet; Mašinski fakultet), grupacije biotehničkih nauka (Poljoprivredno-prehrambeni fakultet; Šumarski fakultet) i grupacije prirodno-matematičkih nauka (Prirodno-matematički fakultet-odsjeci za matematiku, fiziku, biologiju, hemiju, geografiju). Studenti koji su ostvarili stipendiju u redovnom sistemu stipendiranja za prvu, odnosno drugu godinu drugog ciklusa univerzitetskog studija, gube pravo da apliciraju za sredstva definisana tačkom 1. člana 19. ovog Pravilnika.

Član 4.

Pravilnik o stipendiranju i nagrađivanju izuzetno nadarenih učenika i studenata, ("Službene novine Kantona Sarajevo", broj:18/10, 10/13 i 40/15) u ostalom dijelu ostaje neizmjenjen.

Član 5.

Ova Odluka stupa na snagu danom objavljivanja u "Službenim novinama Kantona Sarajevo".

Broj: 01/1-02-_____/15
Ilijaš, 29.10.2015.godine

Predsjedavajući
Općinskog vijeća Ilijaš

Damir Filipović,s.r.

O b r a z l o ž e n j e:

Pravni osnov za donošenje Odluke o izmjenama i dopunama Pravilnika o stipendiranju i nagrađivanju izuzetno nadarenih učenika i studenata sadržan je članu 23. tačka 2., članu 55. tačka 2. i članu 104. Statuta općine Ilijaš-prečišćeni tekst («Službene novine Kantona Sarajevo», broj: 20/09).

Članom 23. tačka 2. Statuta općine Ilijaš definiše se da: "Općina u okviru samoupravnog djelokruga, a u skladu sa zakonom kojim se uređuju pojedine oblasti obavlja naročito slijedeće poslove:

1. osigurava uslove za poštivanje i zaštitu ljudskih prava i osnovnih sloboda, u skladu s ustavom,
2. osigurava lokalne potrebe stanovništva u oblasti brige o djeci, obrazovanju i odgoju, radu i zapošljavanju, socijalnoj zaštiti, kulturi, fizičkoj kulturi i sportu..."

Članom 55. tačka 2. Statuta općine Ilijaš definiše se da: "Općinsko vijeće nadležno je da:

1. donosi Statut općine,
2. donosi odluke, druge propise i opća akta i daje njihovo autentično tumačenje..."

Članom 104. Statuta općine Ilijaš definiše se da: "Općinsko vijeće donosi Statut općine, općinske propise (u daljem tekstu: Odluke), budžet, izvještaj o izvršenju budžeta, poslovnik Općinskog vijeća i zaključke, daje autentična tumačenja propisa koje donosi i utvrđuje njihov prečišćeni tekst..."

Članom 99. Poslovnika Općinskog vijeća Ilijaš ("Službene novine Kantona Sarajevo", broj:2/10 i 18/15) definisani su propisi koje donosi Općinsko vijeće.

Također, članom 3. Odluke o stipendiranju i nagrađivanju izuzetno nadarenih učenika i studenata ("Službene novine Kantona Sarajevo", broj:13/10) definisano je da : "Sredstva, način i kriteriji stipendiranja i nagrađivanja izuzetno nadarenih učenika i studenata definisat će se Pravilnikom o stipendiranju i nagrađivanju izuzetno nadarenih učenika i studenata."

Općinsko vijeće Ilijaš je na redovnoj 33.sjednici, održanoj 29.septembra 2015.godine usvojilo Odluku o izmjenama i dopunama Pravilnika o stipendiranju i nagrađivanju izuzetno nadarenih učenika i studenata kojom su studenti Univerziteta u Sarajevu iz grupacije tehničkih, biotehničkih i medicinskih nauka stavljeni u povoljniji položaj u pogledu ostvarenog prosjeka ocjena iz prethodne akademske godine u odnosu na studente drugih naučnih grupacija. Tom intervencijom iz prava na ostvarivanje općinske stipendije izostavljeni su studenti iz grupacije tehničkih, biotehničkih i medicinskih nauka ostalih Univerziteta u Bosni i Hercegovini. Nastojeći da se ispravi napravljena greška prije objave općinskog Konkursa za stipendiranje, Općinskom vijeću Ilijaš predložena je Odluka o izmjenama i dopunama Pravilnika o stipendiranju i nagrađivanju izuzetno nadarenih učenika i studenata, kojom pravo na stipendiranje ostvaruju i studenti drugih Univerziteta u Bosni i Hercegovini i to fakulteta iz grupacije tehničkih, biotehničkih i medicinskih nauka, uz uslov da imaju ostvareni prosjek ocjena iz prethodne akademske godine 7,50.

Predložene izmjene člana 14. i člana 20. Pravilnika o stipendiranju i nagrađivanju izuzetno nadarenih učenika i studenata predstavljaju tehničko usklađivanje naziva pojedinih naučnih grupacija i njima pripadajućih fakulteta sa terminima definisanim članom 2. Pravilnika.

U cilju osiguranja jednakog pristupa obrazovanju za učenike i studente sa područja općine Ilijaš, predlažemo Općinskom vijeću Ilijaš da se usvoji prijedlog ove Odluke.

Predlagač: Općinski načelnik

Obrađivač: Služba za društvene djelatnosti